



Patuloy na sinusubaybayan ng Immigrant Defense Project ang mga isinasagawang pag-aaresto ng Immigration and Customs Enforcement (ICE) sa komunidad.

ALAMIN ANG IYONG MGA KARAPATAN SA ILALIM NG ICE

Sino ang nanganganib na arestuhin ng ICE?

Pinahihintulutan ng batas ang pamahalaang pederal na ipa-deport ang ilang imigrante, kabilang ang:

- Sinumang walang legal na katayuan sa imigrasyon
- Mga taong may legal na katayuan (halimbawa, mga permanenteng residente, refugee, at may hawak ng visa) na may ilang uri ng hatol sa kasong kriminal



Sinasabihan ng pamahalaang pederal ang ICE kung sino ang dapat nilang tutukan o gawing prayoridad para arestuhin. Nagpapasya ang mga opisyal ng ICE kung sino talaga ang kanilang aarestuhin, kabilang ang mga taong sinasabi nilang:

- may pinal na utos ng pagpapataalik (deportation order),
- maipapa-deport at may nakabinbing kasong kriminal at/o dating hatol sa kasong kriminal,
- illegally na pumasok sa U.S. at walang legal na katayuan sa imigrasyon, o
- nagbabanta sa “pampublikong kaligtasan” o “pambansang seguridad.”

Maaaring baguhin ng pamahalaang pederal ang mga prayoridad na ito. Kahit naniniwala kang hindi ka kabilang sa mga prayoridad ng ICE para sa pag-aaresto, maaari ka pa ring arestuhin ng ICE kung ikaw ay nanganganib na ipa-deport.

Sa mga mamamayang may legal na katayuan at may mga nakaraang konbiksyon

Babala: Maaari kang maging “target” kung:

- Mayroon kang konbiksyon mula sa mga nakaraang taon;
- Hindi ka nabilanggo;
- Mayroon kang nakamit na mabigat na kasalanan sa batas (felony) o maliit na paglabag sa batas (misdemeanor);
- Matagal ka nang legal na permanenteng residente; at/o
- Lahat ng miyembro ng iyong pamilya ay mamamayan ng Estados Unidos.

Lumalapit ba ang mga agent ng ICE sa sinumang sa tingin nila ay maaari nilang ipa-deport??

Karaniwan, kinikilala muna ng mga agent ng ICE ang taong nais nilang arestuhin bago pa man. Pagkatapos, pumupunta sila sa mga tahanan, korte, shelter, at mga lugar ng trabaho upang hanapin ang taong iyon. Minsan, pumupunta sila sa isang bahay upang mangalap ng impormasyon tungkol sa ibang paraan para mahanap ang isang tao, gaya ng pagpunta sa kanyang trabaho. Sa ngayon, mas madalas na silang naghihintay sa kalsada upang magsagawa ng pag-aaresto.

- Illegal para sa mga agent ng ICE na lapitan ang mga tao at hingan ng mga dokumento batay lamang sa kanilang itsura o sa wikang kanilang sinasalita. **Kapag nangyari ito, gaya ng sa anumang interaksyon sa ICE, may karapatan kang manahimik.**

Ano ang maaari kong gawin kung alam kong nanganganib akong ma-paalis?

- **Gumawa ng plano** kasama ang iyong pamilya kung sakaling ikaw ay madampot ng ICE
- **Iwasan ang pakikipag-ugnayan sa Imigrasyon** - huwag mag-aplay upang baguhin ang iyong katayuan sa imigrasyon o mag-renew ng greencard, at huwag lumabas ng Estados Unidos nang walang gabay ng isang abogado!
- **Iwasang makipag-ugnayan sa Criminal Justice System** (ibinabahagi ng pulis ang iyong mga fingerprints sa imigrasyon)!

Ang Immigration and Customs Enforcement (ICE) ay isa sa mga ahensya ng pederal na pamahalaan na responsable sa pag-papaalis o pag-deport ng mga tao. Ang ICE ay kabilang sa U.S. Department of Homeland Security (DHS).

KUNG ANG IYONG MINAMAHAL AY MAAARING PAALISIN NG BANSA, MAGKAROON NG PLANO!

Mahirap maunawaan at isagawa ang paggamit ng iyong mga karapatan. Para sa karagdagang impormasyon: immdefense.org/kyr

Ang mga materyal na ito ay ibinigay para sa layuning pang-impormasyon at hindi bumubuo ng legal na payo. Nai-update noong Pebrero 2025.

IMPORMASYON MULA SA LOKAL NA ORGANISASYON:

Ano ang dapat kong gawin kung lumapit sa akin ang mga ahente ng ICE sa kalye o habang nasa publiko?

Ang pag-aaresto ng ICE sa publiko ay madalas isinasagawa ng mabilis. Maaari nilang sabihin ng malakas ang iyong pangalan upang makumpirma na ikaw ang taong hinahanap nila. Matapos nito ay patuloy ka nang dedetenihiin.

- Bago mo sabihin ang iyong pangalan o kahit ano mang impormasyon, magtanong ka, **“MALAYA NA BA AKONG UMALIS?”**
 - **Kapag sila ay sumagot ng OO:** Sabihing, “Hindi ko nais sumagot sa inyong mga katanungan” o “Mas gugustuhin kong hindi muna makipag-usap sa inyo sa ngayon.” Maglakad papalayo.
 - **Kapag sila ay sumagot ng HINDI:** Gamitin ang iyong karapatan na manatiling tahimik! Sabihing, “Nais kong gamitin ang aking karapatang hindi sumagot sa mga katanungan” at “Nais ko munang makipag-usap sa isang abogado.”
- Kapag nagsimulang kapkapin ng ICE ang iyong bulsa o halughugin ang iyong mga gamit, sabihing, **“Hindi ko kayo pinahihintulutang suriin ako.”**
- **Huwag magsinungaling o magpakita ng pekeng dokumento. Huwag tumakas o manlaban sakaling maaresto.**
- Huwag sumagot sa mga katanungang tungkol sa iyong katayuan sa imigrasyon o kung saang bansa ka ipinanganak. Maaari nilang gamitin ang anumang impormasyon na iyong ibinigay laban sa iyong sarili. Huwag magbigay ng anumang dokumento mula sa iyong bansa katulad ng iyong pasaporte, pangkonsular na identipikasyon, o mga napasong visa.
- Kung ikaw ay may nakatalagang petsa upang dumulong sa Kriminal na Hukuman, hilinging makausap ang magdedepensa sa iyo bago ka nila damputin.

Kung may mga opisyal na pumunta sa aking tahanan, malalaman ko ba kung sila ay galing sa ICE?

Hindi palagi! Mag-ingat: Ang mga ahente ng ICE ay madalas nagpapanggap bilang mga pulis at hihilingin makipag-usap sa iyo tungkol sa pagnanakaw ng identidad o imbestigasyon na kasalukuyang ginaganap para rito.

Maaari bang pumasok ang ICE sa aking tahanan upang ako'y arestuhin?

Kung walang nilagdaang “warrant” ang hukom, hindi maaaring pumasok ang ICE sa iyong tahanan nang walang pahintulot ng nakatatanda. Ang pagbubukas ng pinto sa ahente ng ICE ay hindi nangangahulugang sila ay pinahihintulutang pumasok sa iyong tahanan.

Ano ang maaari kong gawin kung may mga opisyal sa aking pinto?

- Alamin kung sila ay mula sa DHS o ICE.
- Manatiling kalmado. Maging magalang. Huwag magsinungaling. Sabihing “Hindi ko nais na makausap kayo ngayon.”
- Magalang na tanungin kung sila ay may hawak na “warrant” na nilagdaan ng hukom at isilid ito sa ilalim ng pintuan. Kung sila ay walang hawak na “warrant”, tanggihan silang makapasok.
- Kung ibang tao ang kanilang hinahanap, **hilingan sila na mag-iwan ng impormasyon** kung saan sila ay maaaring makontak. Hindi mo kailangan mag-bigay ng anumang impormasyon ukol sa lokasyon ng tao na kanilang hinahanap at **hindi dapat** magsinungaling.

Ano ang maaari kong gawin kung nasa loob ng aking tahanan ang ICE para ako'y arestuhin?

- Sabihin sa kanila kung mayroong mga bata o matatandang residente sa iyong tahanan.
- Hilingin na sila ay lumabas ng tahanan maliban nalang kung sila ay mayroong “warrant” na nilagdaan ng hukom.
- Kung sila ay pumasok nang walang pahintulot, sabihin sa kanila na **“Hindi ko kayo pinahihintulutan sa loob ng aking tahanan. Maaari na kayong umalis.”**
- Kung sila ay nagsimulang manaliksik ng mga kwarto o mga kagamitan sa iyong tahanan, sabihin sa kanila na **“Hindi ko kayo pinahihintulutang manaliksik.”**
- Kung ikaw ay inaaresto ng ICE, sabihin sa kanila kung mayroon kang medikal na komplikasyon o may pangangailangang makipagkasundo para sa pag-aalaga ng iyong anak.

Ano ang aking mga karapatan kung ako ay inaaresto ng ICE?

- Mayroon kang karapatan na **manatiling tahimik**. Mayroon kang **karapatan na makipag-usap sa isang abogado**.
- **HUWAG MAGSINUNGALING.** Maaari itong makaapekto sa iyo sa hinaharap.
- **Hindi mo kailangan mag-bigay ng kahit anong impormasyon** tungkol sa bansa kung saan ikaw ay ipinanganak, ang iyong katayuan sa imigrasyon, o ang iyong kriminal na rekord. Hilingin maka-usap ang isang abogado sa halip na sumagot nang mga katanungan.
- **Hindi mo kailangan ibigay ang iyong mga konsular na dokumento o pasaporte** maliban nalang kung sila ay may “warrant” mula sa hukom.
- **Hindi mo kailangan lumagda sa kahit anong bagay o dokumento.**